

BONERIANO®

EDITOR:
Bonaire Communication Services N.V.

Djaluna 27 yùni 2022 | Preis: \$1.00

BIDA TA BAI BIRA DURU

Bonerianonan na eksposishon



Delno Tromp, diputado Nina den Heyer, lider di Frakshon di Demokrat, Clark Abraham i Miram Frans, nasé na Boneiru pero bibá na Hulanda, na apertura di e eksposishon di sklabbitut.

Trabou di
nos mes
hendenan

Página: 2

Kuater dia di
tayer di
aktuashon pa
muchu di
9 pa 12 aña

Página: 4

Ola tropikal
aktivo
direkshon
Caribe
Página: 3

NEW TILES!! VISIT
OUR SHOWROOM

#1
GARTISH
TEGELWERK BONAIRE N.V. *on the island!*

Kaya Bongo 8b | Tel/Fax: 717-8707
gartishtegelwerk | Like our page to stay updated!

xerox™

OBERSI
ELECTRONICS
BONAIRE

HAIR
BARBERSHOP

Hanchi lenks
pabou di
Gas Ekspres

Habrí 5 dia!
Tel: +599
788-2228 /
+5999 529-
2228

hair cut
Wi-Fi

CHANGAN AUTO

F70 4x4

/dabboussimotors

NAPA

35 AÑA
SIRBIENDO BONEIRU

\$10 FREE
SLOT
PLAY

Sign up for your FREE Player's Card
and receive \$10 in FREE Slot Play!

Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

DIVI FLAMINGO
CASINO

LIVE
FM 99

Trabou di nos mes hendenan

Pa: Bòi Antoin

No tin mihó manera pa realisá kon dushi, den mesun rosea kon sushi, Boneiru ta. Djis eksplorá e isla aki na pia. Kere mi ku boso ta mira kos ku boso no ta mira siendo sintá den èrko di boso outo. Kere mi si mi bisa esaki.

Regularmente mi ta eksponé foto pa muestra kon bunita i dushi naturalesa di e isla aki ta. Lástima ku hopi hende no ta realisá esaki. Nan ta djis aseptá e detaye aki, sin ku nunca nan ta drenta mondi pa mira kiko tin skondí tras di e

yatu i ramanan di e isla aki.

Pero loke no ta haña atenshon suficiente ta e sushi kon Boneiru ta. Siman pasá durante un di mi kamintanan atardi m'a bai pone atenshon na sushi kant'i kaminda, área di Den Tuna, sigui bai atras direkshon di Seru Angola. Kaminda di kunuku.

Riba un trayekto di masomenos 250 meter mi a mira asina tantu sushi ku boso no por imaginá. Tur sorto di sushi, spesialmente bòter di serbes, bòter di plèstik di limonada, kùp, baki di foam. Inkreibel!

E fenómeno aki ta eksistí den hopi otro kaminda di kunuku. Obra, trabou, di nós hendenan. Nos ta kla Hopi biaha pa pura tira falta riba makamba pa tur sorto di kos. Makamba a bira e kapstòk na unda nos ta kologá nos rabia i frustrashon kontra hulandes-oroepo. Pero pa loke ta e punto aki, e kapstòk ta nos mes hendenan, ku aparentemente no tin niun klase di sentido síviko, niun bèrgwensa mas.

Norma i balornan ta totalmente pèrdí riba e lugá aki, mirando kon ta tira sushi riba kaya. Bebe serbes, tira bòter kant'i kaminda. Kaba bebe limonada, hisa bòter tira kant'i kaminda. Kaba kome KFC, hisa baki di kuminda tira fo'i outo. Asina degenerá nós hendenan a bira.

Pakiko mi ta pone asina énfasis riba 'nós hendenan'? Pasobra ta nós hendenan ta trata nan propio isla dje forma aki. Riba e ruta ku mi ta kana atardi aki ta dos makamba tin òf ta biba na kunuku. Nan no ta tira sushi fo'i outo. Al contrario, mi a yega di mira un di nan tabata piki porkeria kant'i kaminda un biaha.

Mi ta kòrda kon un biaha, kisas un 7 aña pasá asina, mi a pone e situashon aki bou di atenshon di SELIBON. Te ainda mi tin foto pa muestra kuantu

sushi nan a saka. Awor ta mesun kos ku promé. Mas bien, awe ta pió ku promé ku a limpia.

Ta hopi lástima ku durante e reunion di Konseho Insular resien den kua a papia di Selibon, ni ún polítiko a dirigí nan mes na e pueblo aki pa muestra nos hendenan riba nos komportashon ora ta trata sushamentu di e lugá aki. Nan ke keda bon

ku pueblo, nan no ke pèrdè voto. Clark Abraham di Demokrat a skupi riba Selibon, asta bisa ku mihó sera Selibon, pero niun palabra pa muestra riba komportashon di nos hendenan ku ta kaba ku medio ambiente di nan isla. Pasobra no ta kumbiní. Mester hunga populista, hunga popular den bista di trahadónan di Selibon.

Tokando kuarta ku grandinan



Den e siman aki Elvis Tjin Asjoe, lider polítiko di MPB, a pasa den Parke Wilhelmina i a dal den grandinan ku tabata tokando músika krioyo. Bunita pa mira nos grandinan, bou di guia di Francis Domacassé, hasiendo aktividat musikal. Tjin Asjoe a djòin e grupo i a toka un piesa ku nan.





E dianan aki mi ta publikando un seri riba maneho kultural di Boneiru. Na momentu ku m'a kere di lo por a keda kla pa si-man pasá, mas kos ta bini den mi mente ku lo mi no por laga afó. Ta ún biaha bo ta publiká algu asina. Pues lo mi sigui te momentu ku mi kaba atendé tur loke mester atendé.

Kisas e ta zona straño, pero di tur e diputadonan ku m'a konosé den tur e tempu ku mi ta atendé ku kultura, pa mi James Kroon na sierto nivel ta esun ku tin mas konosementu di e asuntunan aki ku tur otro. Ta e úniko mandatario ku ta mira práktikamente tur programa Herensia, 'Aki Boneiru' i dokumentalnan ku FuHiKuBo a i ta traha. E ta kombersá tambe detayá ku mi tokante e programanan aki, di kultura i historia.

Mi ta bisa na sierto nivel. Mi kier men nivel popular. E ta un hòmer di pueblo, ku a lanta den simadan, San Wan/San Pedro, muzik i otro aktividatnan kultural di spesialmente su bario di Rincon, konosí komo e kuna kultural di Boneiru. Aki e diputado aktual Nina den Heyer ta kai hopi chikí. Tambe e diputadonan promé ku James. E úniko ku por a kompará un tiki ku James Kroon ta e eks-diputado di kultura Nolly Oleana, pero é tambe na sierto nivel so.

Kasi boso lo kere ku mi kabes a bruha ku si mi bisa ku Ramonsito Booi tambe tabata un polítiko ku komo mandatario tabatin oreá pa kuido di nos patrimonio kultural. Falta di konosementu, kisas kombiná pa ambishon pa plaka, a pone ku el a tuma algun desishon robes den su karera riba tereno kultural.

Ta Ramonsito Booi a pone ku e trabounan di FuHiKuBo a haña mas forma. El a pèkurá pa gobièrnu a pone kamaró-grafo Ivan Wilson, ámtenar, na disposishon di FuHiKuBo pa a graba Herensia i traha dokumental. El a skucha ora ku m'a splik'é ku no por basha e edifisio aktual okupá pa SKAL abou. Huntu ku Burney el Hage el a instruí e doñonan di e proyekto rondó di Van de Dijs abou.

BIDA TA BAI BIRA DURU

KRALENDIJK – Bida ta bai bira hopi duru pa habitantenan di e munisipio spesial di Hulanda Kari-bense – BES. E dianan ku a pasa a anunsiá ku tarifa di koriente lo bai subi ku alrededor di 30 porshento entrante luna di yüli awor. Preis di gasolin tambe a subi na diferente okashon últimamente. Kosto di bida tambe tambe ta subiendo i tur kos ta mustra ku den tur sektor por bai mira oumento di preis, pasobra aki ta trata di un reakshon di kadena. ACM ta e outoridat hulandes ku ta stipulá e tarifanan aki.

Na e isla Saba polítiko Dave Levenstone a bisa ku un entidat públiko no ta obligá pa sigui e tarifanan imponé pa ACM. Na Boneiru no por tende masha reakshon, loke ta enserá ku dentro di algun dia e konsumidó di elektrisidat mester bai dil ku un oumento di

30% di nan kuenta di koriente.

Pa Boneiru e tarifa ta subi di 0.3260 USD pa 0.4253 kWu. E máksimo di Pagabon ta subi di 0.5332 USD pa 0.6325 pa kWu. Pa un unidat doméstiko promedio na Boneiru esaki ta enserá un oumento di 25 dòler pa luna.

E komunidatnan di Saba i St. Eustatius ta sufri mas, pasobra nan tarifanan aktual ta mas haltu ku Boneiru kaba, pero no ta subi asina tantu manera Boneiru. Na St. Eustatius e ta bira un oumento di 19 dòler pa un unidat doméstiko promedio. Na Saba e oumento aki ta representá 28 dòler pa luna.

Polítiko di Saba Dave Levenstone a komentá ku te asina leu ku e ta sa, ACM ta stipulá e tarifanan máksimo pa koriente, pero e kompania di elektrisidat di e isla, SEC, no mester implementá e loke ACM stipulá.

SEC semper por determiná su mes tarifa.

Saba ta sintiendo e peso di preis di elektrisidat mas tantu ku e otro islanan. Levenstone ta puntra ki dia SEC ta habri nan bukinan finansiero pa hendenan di Saba mira.

Saba ta den un situashon manera Boneiru, na unda nan ta tratando pa generá elektrisidat na forman alternativo, esta via pènelnan solar. Na Statia tambe tin un planta solar. Na Boneiru tin turbinanan di bientu, ademas ta eksperimentando ku solar. Levenstone a opiná: "Pa ta honesto, mi no a mira na unda e parke solar di Saba a benefisiá e konsumidónan di koriente. Manera mi ta komprondé, e ta benefisiá e kompania direktamente. Ta p'esei e kompania di elektrisidat di Saba mester duna splikashon na konsumidónan. Mester tin transparensia."

E mesun preguntanan ku Dave Levenstone tin, ta biba tambe na Boneiru. Tempu ku a anunsiá e proyekto di turbina di bientu na Morotin pa remplasá e planta di WEB ku a kima, e direktor di Bonaire Holding Maatschappij, bou di kua WEB ta kai, a bisa ku e turbinanan lo pone ku preis di koriente ta bai baha pa e kosnumidó boneriano. Te awe esei no a sosodé. Ta oumento so práktikamente tabatin.

Ola tropikal aktivo direkshon Caribe

KRALENDIJK – Tin un ola tropikal aktivo riba Oséano Atlántiko biniendo direkshon di Karibe. KNMI, ku ta e instituto meteorológiko di Reino bou di kua Boneiru ta kai, ainda no ta dunando masha informashon tokante e sistema aki, kontrario na e departamentu di meteorologia di Kòrsou (MCD), ku sí ta informando tokante e sistema.

Di akuerdo ku un informe emití ayera tardi pa MDC, e ola tropikal aki tin 70% pa desaroyá bira un siklon tropikal. MDC a drenta e fase di koló hel, relashoná ku e sistema. Esaki ta nifiká ku desde ayera nan lo informá tur dia tokante desaroyo di e sistema. Kódigo hel ta basá riba e posibel impakto ku e tormenta lo tin.

Na e momentu aki pronóstikonan ta ku e disturbio lo krusa nort di e islanan ABC djaweps mardugá. Te awor ta kalkulá ku e impakto di áwaseru, bientu i laman lo ta mederá.



Kuater dia di tayer di aktuashon pa mucha di 9 pa 12 aña

KRALENDIJK -- Awe djaluna Richailine Elisa di Elisa Academy Kòrsou ta na Boneiru pa duna muchanan 4 dia di tayer di aktuashon. Richailine ta un aktris profeshonal ku un trayektoria di 15 aña den e mundu di teater.

E tayernan ta enserá aktuashon, emoshon, imitashon, uso di stèm, moveshon i hopi mas. E tayernan ta kuminsá awe djaluna di 17:00 pa 20:00 i lo ta tur dia i ta kulminá djaweps. Djaweps e muchanan lo presentá pa famia i amigunan e loke ku nan a krea.

Pa por partisipá ta fásil. Djies manda un mensahe via whatsapp ku nòmber i edat di e mucha ku ta bai partisipá na number 7965677.

E workshopnan ta tuma lugá na Kristu Bon Wardador Nikiboko. Kontribusyon ta \$25. Probechá i laga bo yu partisipa pa e deskubri i desaroya su talento.



CONSULTA

Gran Parapsicólogo, Profesor Kenyo, especialista en el ocultismo, te ayudo a solucionar tus problemas.

Llame ya para su consulta tel/wasapp: +573147912925



SKAL i Akademia Papiamentu ta organisá:

Diktado Oficial na Konmemorashon di Abolishon di Sklabitut

Djiamars, 28 di yùni 2022. 19:00 pa 21:00 na Mangazina di Rei. Rincon

Inskribí awe mes: +599 786 6016
akademiapapiamentu@gmail.com



Programanan di Bonaire.tv

TELBO kanal 70

Flamingo TV kanal 23

Djaluna 27 yùni 2022

12.00 Aktualidat:	Fuhikubo
13.00 Aki Statia:	Mike Franco
14.00 Herensia:	Isberto Martires Bernabela
15.00 Sitionan Marká:	Bara di Karta
16.00 Herensia:	Cornelia Akkersdijk
17.00 Aki Hulanda:	Pastor Servais Braham
18.00 Herensia Korsou:	Victor Bartholomeus
19.30 Puerto Latino:	Luis Zárraga
20.00 Herensia:	Romeo Heijer
21.00 Aki Boneiru:	Steve Francees
22.00 Herensia :	Caito Sint Jago y Daantje Molina
23.00 BAPA:	Bob Harms

Tur mèrdia 12'or ta kuminsá un programashon nobo di 4 ora. E programashon aki ta ripiti pa 24:00.

Civil Mechanical Structural N.V.

ta buska

- 7 metselaar

- 2 timmerman

Pa mas inf. yama **+5999-511-2762**

KURSO PA TRAHA

Johny-cake:

dia 30 yùni

Cup-cake & Dekorashon:

dia 2 i 3 yùli

4 sortu di pasapalos:

dia 9 yùli

Pa mas inf. por yama **795-1455**

whatsapp riba **+5999 562-5753**

Coral Casino Bonaire

ta buska

DEALERS 21+

*Coral Casino por duna training tambe pa por siña bira Dealer

*Aplikante mester ta den posishon di un pasport hulandes

*Mester por dominá e idiomaan: papiamentu-ingles-hulandes i spañó

*Mester por presentá papel di Bon Kondukta.

Pa mas informashon por pasa personalmente na Coral Casino durante orario di ofisina di djaluna pa djabierne entre 8'or mainta pa 5'or atardi.

REFLEKSHON

BERDADERO PAS

"Lo Bo warda den pas perfekto esun ku su pensamentu ta permanesé den Bo, pasobra e ta konfia den Bo ..." Isaias 26:3(BS)

Ken awendia no tin nesesidat di pas? Kurason i mente di nos komo ser humano ta anhelá na pas, trankilidad i alivio. Nos ta yen di preshon i preokupashon: preshon di trabou, di famia, preshon di tempu, preokupashon finansiero, preokupashon pa nos salú ... asina nos por sigui menshoná.

Komo hende nos ta buska pas mental konstantemente, pasobra e mente ta akusá nos, ta bisa nos ku nos no tin balor, ta trese nos pasado den nos presente, ta keda bisa nos ku no tin solushon. I pa kolmo, e mente ta huntu ku nos 24/7. Hopi bia e gritu ta: "Mi mente ta kansa mi. E no ta para ketu!" Fásilmente hende ta buska e solushon e ora ei den píldora pa drumi òf remedi ku nan ta yama 'trankilisante'.

Tin solushon? Hende por disfrutá di un mente na pas?

Awèl, Esun ku a krea hende tin e solushon pa pas berdadero. Dios Kreador di shelu i tera i di hende, ta 'Jehovah Shalom', Señor Dios mes ta Pas! Den Beibel, Dios Su Manual pa bida, E ta duna nos e solushon pa un mente na pas.

E solushon ta: laga nos pensamentu permanesé den Dios Shalom! Permanesé ta duna e idea di keda 24/7 konektá ku e Dios di Pas. Komo resultado Dios mes ta Esun ku ta warda bo mente den pas perfekto. El a krea nos, E sa nos nesesidatnan i E tin e solushon kaba i ... E mes ta Pas. Nos mester djis keda konektá ku e Dios di Pas.

Pas Perfekto ta posibel, keda 24/7 konektá ku e Dios di Pas! Miralda Paula-Frans

Produkshon PGM

Boneiru presente na eksposishon sklabbitut na Groningen

KRALENDIJK – Den e estado Groningen djaweps a tuma lugá apertura di e eksposishon di sklabbitut ‘Slavernij. En de Groningers?’ na Museum aan de A, anteriormente konosí bou di e nòmber Noordelijk Scheepvaart Museum. Interesante na e apertura tabata presensia prominente di e delegashon Boneriano. Un di e oradónan invitá tabata Delno Tromp, kende a duna un deskripsion kòrtiku di e pasado konhunto di negoshantenan di katibu ku a hasi nan katibu.

Tromp, di akuerdo ku un publikashon di Bonaire.nu, a papia tokante e echo ku historia di Boneiru i e otro islanan, mas bien tabata un historia di emansipashon. Emansipashon ta trabou den progreso. Pa esaki e eksposishon su meta ta, pa alumno te adulto. Laga e ta

vulnerabel pa loke tiki tiki nos a produsí, esaki ta hopi i loke ainda nos ta trata pa kita e peso for di pasado.

Tromp a duna di konosé tambe ku ainda e islanan semper a pasa den hopi elemento di pasado. Humiashon ku sklabbitut ta trese kuné i huntu kuné miedu pa e humiashon nobo, parse di a keda tras pasá di generashon pa generashon. Nos tin un palabra pa esaki, bèrgwensa. Te asta ta stèmpel nos komunidat afro antiano ku kulturanan di bèrgwensa, manera otro kaminda por ehèmpel na Hulanda, no ta eksistí bèrgwensa. Un korto, nos a sigui karga tambe e pesonan nesario.

Tromp a splika den su diskurso tambe e relashon ku Papiamentu, sí ta trata di kultura di bèrgwensa. “Asina niun hende mas no



Desde siman pasá tin un eksposishon tokante e siudat Groningen i Sklabbitut. Diferente persona, entre otro Emma Pratt di FuHiKuBo, tabata presente.

por duda ku Papiamentu ta un idioma perfekto i no un dialekto atrasá òf algu

asina. Tòg ainda no ta posibel pa sigui sin problema edukashon di fishi den nos

idioma materno. Hulandes ke sí pa forma un barera haltu.”

'Bloody Knucke' reto nobo peligroso di Tik Tok

KRALENDIJK -- Sí Tik Tok ta fuente di reto nobo, entre tantu ta konosí. An-

teriormente nos a skirbi tokante e diferente retonan peligroso bou di mucha ku a

bira popular dor di Tik Tok. Pensa riba e reto ‘black-out’ i e hopi otronan. Awor tin un reto doloroso nobo riba Tik Tok ku e nòmber ‘Bloody Knuckles’.

“Mama, bo sa kiko ‘Bloody Knuckles’ ta,” “mi yu di 11 aña a puntrá mi, ami a kontestá pelea sangriento.” El a lora su wowonan i bisa “nò, ta un tipo di wega.

“Seguidamente el a spliká mi ku e no ta un wega nobo, pero un wega fisiko kaminda kaminda bo mes-ter trata na pusha un moneda bou di un moketa será riba mesa di un otro persona. Algun mucha a hunga e wega aki na skol ku un

moneda di sinku sèn, e yu a agregá lagando mi asombrá atras,” e mama ta konta.

Despues di algun ratu, e mama ta sigui konta, el a puntr’è e yu si el a mira esaki riba Tik Tok i a resultá enbèrdat di ta asina. Pues el a disidí di bai profundisá su mes.

Pa tempu kaba popular ‘Bloody Knuckles’ ta un wega ku ta eksistí ya pa hopi tempu ku ta konsistí i hungá prinsipalmente dor di adulto. Na Estádos Unidos ta hunga e wega standard ku un quarter. E ta bai komo lo siguiente: Un persona ta primi su moketa riba mesa i e otro ta trata desde

e otro banda di e mesa pa mas fuerte posibel pusha e moneda bou di su moketa, ku komo posibel konsekuensia un moketa sangriento.

Komo ku e vidio di e wega ta sirkulá riba Tik Tok, e wega ta bira popular tambe bou di mucha, miéntas ku en realidat totalmente e no ta un wega dushi.

Hunga ‘Bloody Knuckles’ por kondusí na doló fèrfelu. “Entre tantu mi a deskonsehá mi yu di 11 aña pues pa hunga e wega aki, pasobra e no ta pars’è realmente un wega dushi pa mucha di skol básiko,” e mama ta konta.





Guia di Hortikultura

Servisio di Agrikultura, Krio i Peska (Dienst LVV)
i Soltuna 2005

Blumkol

(*Brassica oleracea var. botrytis*)

Famia: CRUCIFERAE

Sinónimo (otro nòmber): Cauliflower, Coliflor, Bloemkool


Origen i karakteristikanan general

Blumkol ta originá na e área Mediteráneo. Na áreanan tropikal blumkol normalmente ta wòrdu kultivá den serunan, na un altura di mas ku 1000 meter. Sin embargo tin algun variedat ku por krese na áreanan tropikal ku ta na nivel di laman i ku ta mas kalor, manera Kòrsou. Asina mes e bèrdura akí no sa wanta kalor muchu bon. Preferiblemente mester kultiv'é den un schaduwhal.

Variedatnan ku ta duna bon resultado na Kòrsou

- * White Baron (Sakata)
- * Tropikal 45 days (Takii)

Siklo di kultivo



Sembramentu

Simia di kolo ta keda viabel durante tempu largu, pero sí ta tuma mas tempu pa nan sali ora nan ta mas bieu.

Simia fresku ta germiná denter di dos dia. Sem-

per mester sembra den kwekerij i transplantá e matanan despues.

(Trans)plantá

Si a sembra den un zaaibak, mester transplantá e matanan pa pòchi despues di mas o ménos 10 dia. Si a

sembra dirèkt den pòchi mester eliminá e matanan ku ta di mas den e pòchi, pa kada pòchi keda ku solamente un mata. Mas o ménos 21 dia despues por planta e matanan n'e tereno. Promé ku planta den tera mester meskla 200 gr. di fertilisante ku un % haltu di P2O5 (fòsfat) den e tera. Planta na un distansha di 50- 60 cm entre e matanan i 80-90 cm entre e karedanan. Pa e matanan keda bon aksesibel pa spùitmentu etc. ta konsehabel pa planta dos kareda i despues salta unu, planta dos atrobe etc.

Mantenshon di e kultivo, kosecha i produkshon Ta konsehabel mara e blachinan di pafó pa redusí efekto di lus di solo. Si e rayonnan di solo ta muchu direkto, sabor di e bèrdura akí ta bira marga. E ta un mata ku e blachi di pafó ta sufri mas tantu di solo. Pa e motibu akí ta plug basta hundu. Mester plant'é den tera lòs den un kanal ku ta protehá e blachinan, òf ta pone mata bou di un schaduwgaas pa baha intensidat di lus di solo mas tantu posibel. Na kumin-samentu e kolo mester krese lihé ku blachi grandi. Despues e ta stòp di krese i ta kuminsá forma e flor. E mester di hopi P2O5 pa e flor bira grandi i bunita. Agregá un tiki mas fertilisante di fòsfat durante e di tres siman. Si e blachinan haña un koló püs e mata ta falta fòsfat i lo no forma flor bunita. Mester pone sufisiente fertilisante di fòsfat. Pa haña un blumkol bunita blanku, e flor mester ta tapá, lus di solo ta pon'é bira hel. Si e mata a krese bon, e tin blachi grandi ku normalmente ya kaba ta tapa e flor bastante. Kaminda e flor keda visibel mester dobla e blachinan akí pa tap'é kompleto.

Malesa i plaga

Mester vigilá malesa- i plaganan mashá bon. Un bichi den e flor òf un poko roetdauw, ku por wòrdu transmití pa afido òf whitefly, ya ta pone ku e Blumkol ta pèrdè tur su balor i no por bend'é mas. Ta bon pa spùit preventivo ku Dipel en kombinashon ku un insektisida sistémiko manera por ehèmpel Perfection, Cygon òf Sistemín.

Batata dushi

(*Ipomoea batatas*)

Famia: CONVULVULACEAE

Sinónimo (otro nòmber) : Sweet potato, Zoete aardappel, Bataat (hulandes bieu), Papa dulce, Batata, Patate douche

Origen i karakteristikanan general

Batata dushi a originá na áreanan tropikal di kontinente merikano. E ta un mata tropikal. E ta preferá suela habrí ku bon dreñahe. Mester plug i èg, especialmente despues di tempu di áwaseru

Variedatnan ku ta duna bon resultado na Kòrsou Na Kòrsou a introdusí vários variedat for di paisnan bisifia. Konsekuentemente tin vários variedat diferente na Kòrsou, ku generalmente ta prosedente di Venezuela, Colombia, Repùblika Dominikana i Haiti.

Siklo di kultivo

E kultivo ta dura entre 110-130 dia

Sembramentu

Ta planta batata dushi ku stèk. Ta konsehabel pa kita e stèk for di e parti mas abou di un stèngel. Ta rekomendá pa planta dos rei di mata pa kada kama di tera di 1.50 m anchu. Tene 40 cm entre e reinan di mata i 30 cm entre mata di e mésun rei di mata.

Mantenshon di e kultivo, kosecha i produkshon Preferiblemente mester planta batata riba lomba di tera. Si planta riba lomba, tin sufisiente tera lòs pa e batata por desaroyá. Ora e tera ta un tera hopi klei, por ta difisil pa haña un batata ku ta bon formá, maske a planta riba lomba. Tera hopi kompakto ta pone e batata keda largu i delegá. Tambe por planta den kama, pero mester plug i habri e tera basta hundu i e tera no mester kontené muchu klei. Impor-

tante ta pa e matanan di batata tapa e tereno lihé, pa yerba malu no haña chèns di krese. Pa realisá esei mester tene e plantashon limpi di mala yerba durante e promé luna despues ku a planta, i duna sufisiente awa durante e tempu ei. Despues ku e mata a tapa e tereno, mengua e kantidat di awa ku ta duna gradualmente. Laga e matanan krese sos-egá. Si nan haña muchu awa, nan ta forma muchu blachi, nan ta keda krese muchu vegetativo i no ta forma batata fásilmente. Ora e batatanan ta kasi kla pa kosechá, ya por mira batata basta grandi den tera. E or'e duna mashá tiki awa durante dos siman. Asina e batatanan ta kaba di forma i e tera ta seka, na moda ku por saka nan fásil i limpi for di suela. Ora di kosechá por kita tur rama riba tera promé ku saka e batatanan. Ora saka batata mester tene kuidou pa no kibra òf kòrta e batatanan. Den tempu di kalor (mei te ku sèptèmber) e formashon di batata ta bai difisil. Esei ta pone ku batata plantá entre mei i sèptèmber hopi biaha ta tuma mas tempu pa por kosechá ku e 130 dia ariba menshoná. Batata por produsí entre 1 pa 4 kilo pa m2 pa kada siklo di kultivo.

Malesa i plaga

Si bo trese un stèk di batata dushi for di un otro tereno ta bon pa desinfektá e stèk promé ku plant'é pa evitá ku malesa ta plama di un kunuku pa otro. Usa un insektisida i un fungisida. Dòp e stèk den un solushon di konsentrashon normal, i lagué aden durante un òf dos minüt. Komo insektisida por usa insektisida sistémiko manera Cygon, Perfection òf Systemin (e insektisidanan akí ta hopi similar, nan ta kontené e mésun ingrediente aktivo). Tambe por usa Vydate L òf Orthene i komo fungisida por usa Dithane òf Benlate. Batata dushi ta sensitivo pa e siguiente malesanan i plaganan: * Chinche di batata dushi (*Corythaica planaris*). Por kombatié e plaga akí ku Perfection, Cygon òf Sistemín, Cypermethrin òf Diazinon. * Bichi di batata dushi (*Cylas formicarius*). E daño ta wòrdu kousá dor di e insekto adulto ku ta pone webu den e stèngel i dor di e bichinan ku ta sali for di e webunan akí i ta bora bai den e batatanan. Por kombatié e plaga akí ku Perfection (Cygon), Cypermethrin òf Diazinon. Pa prevení e plaga akí mester dòp e stèknan den insektisida promé ku planta i mester paga tinu pa no planta batata riba tereno kaminda tabatin batata plantá resientemente. Warda por lo ménos 6 luna pa planta batata atrobe, kaminda tabatin batata plantá. * Akaro, mas tantu ákaro kòrá, sa ataká e blachi. E blachinan ta haña un koló shinishi blanku i nan ta muri promé ku nan tempu; por usa Kelthane òf Dicofol.

* Treps (*Thrips palmi*). Akaro sa ataká e blachi; por usa Kelthane, Plictran òf Dicofol.

* Whitefly (*Bemisia tabaci*) tambe sa ataká Batata dushi. Por kombatié ku Applaud, Tambo òf Endosulfan. Kontrolá bo matanan dos biaha pa siman pa malesa i plaga.

SI NO PLANTA NO TIN KOSECHA(6)

Pa: Bòi Antoin

Mi ta preokupá. Hopi preokupá! Preokupá pa e forma kon spesialmente gobernante i ámtenarnan, pero tambe nos mes, ta atendé, òf no ta atendé, ku nos patrimonio kultural-histórico. Nos patrimonio kultural-histórico ta bayendo pèrdí. Den un seri di artíkulo, ku ta sali tres bes pa siman, lo mi bai trata na konbensé boso kiko mi kier men.

Hopi mas kolekshon

E kolekshonnan oudiovisual di FuHiKuBo ta hopi mas ku lo bo pensa. Ainda nos tin un sèt di kasèt di nos mes, banda di esnan di kolekshon Julio Herrera, ku ta para warda pa digitalisashon.

Mi ke ta dirèkt aki pa tur hende por, òf ke, komprondé. Si mi muri na e momentu aki (tur hende mester bai un dia) hamas i nunca lo digitalisá nan. No tin niun hende ku por guia e proseso aki, identifiká e grabashonnan. I esaki ta konta pa nos kolekshonnan di foto tambe, pa no papia mes di e archivo di papel, ku ta konsistí di algun shen kaha di archivo.

Interesante pa sa kon nos ta yega na nos kolekshonnan risibí di hende. Maurits (Mou) Emerenciana a bishitá pastor Lensen na Nijmegen, kende tabatin edat haltu kaba. Lensen tabata dispuesto pa pone su kolekshon di grabashon di kantika di misa ku e mes a graba, huntu ku un organista. Un kolekshon balioso

ku Nicky Pietersz a digitalisá. Pues e ta salvaguardiá.

Lensen su inisial ta aparesé na vários kantika den Misal di Pueblo. El a tradusí tekstonan di kantika for di latin i hulandes pa Papiamentu.

For di e grabashonnan aki nos a saka algun aña pasá 50 CD ku nos a entregá na tur parokia katóliko den Obispado di Willemstad. No tin mas kolekshon den Antia di e índole aki. Sobrá CD-nan a bai manera pan kayente.

Na Konseho Insular, den edifisio di Passangrahan, tin un kantidat enorme di kasèt i asta teip (reel to reel) ku oudio di reunionnan di Konseho Insular di promé ku e tempu digital a hasi su entrada.

E grabashonnan aki ta hopi importante. Bo por tin nótulo skirbí di loke a papia den e reunionnan ei, pero no lubidá ku e bos di un persona, su ekspresionnan, no ta bini den nótulo.

Un bia m'a papia ku un grifir interino di Konseho Insular ku a



Mi a bishitá pastor Lensen den su último fase di bida na Nijmegen.



Riba e aparatonan aki (NAS) tin parti grandi di nos kolekshon digital. Un forma di warda hopi vulnerabel. Pero, manera nan ta bisa na ingles: "Who cares?"

realisá e importansia pa digitalisá e material aki. Naturalmente tin un etikèt di preis kologá na esaki, pasobra nos mester paga hende pa hasi e trabou aki. E kordinashon lo mi por hasi.

Material brutu

Den e kolekshon oudiovisual di FuHiKuBo tin loke nos ta yama 'material brutu'. Material brutu ta konsistí di grabashonnan original di un resolushon haltu. Ta materialnan for di kua nos ta saka sierto partinan pa usa den dokumental.

Por ehèmpel nos a traha e aña aki un dokumental di historia di sindikalismo na Boneiru. Nos ta bai serka, laga mi bisa, 15 hende. Tin di e personanan aki, por ehèmpel Primo Bernabela, ku a papia pa kasi dos ora. For di e dos ora aki kisas nos a usa, repartí den e dokumental, 10 minüt. Pero e sobrá un ora ku sinkuenta minüt tambe ta importante. Esaki ta e material brutu ku ta keda tras ku ta importante pa warda.

Tuma komo ehèmpel Herensia i nos otro programanan. Despues ku nos kaba editá, e material ku ta keda tras, esta e grabashon original di resolushon haltu, nos ta yama material brutu. E programa mes, e produkto final, nos ta komprimí den ménos resolushon.

E material brutu original ei, debí na su resolushon haltu, ta tuma hopi espasio. Ku hopi doló na mi kurason algun aña pasá mi a duna instrukshon pa dilit nan. Material ku nos lo por a usa despues den dokumental. No tabatin otro alternativa, sigur

despues ku nos a purba sin logra haña 'Instituut Beeld en Geluid' asina leu pa warda nan pa nos, sin pago. Na unda nos mester saka sèn pa paga?

Lubidá nan!

Nicky Pietersz, kende ta dunnando su aporte i kontribushon den realisashon di e dokumento aki, ta opiná ku nos mester lubidá e novela di IB&G aki numa. Nos lo no yega mas leu, anke ku ta for di ministerio di OCW nan ta haña fondo. I nos tin un direktor di OCW na Boneiru, ku nunca a sinta formal i serio ta mesa ku nos pa atendé e asunto aki.

Ta parse ku e asunto di 'Geluid en Beeld' ta negoshi so. Nan ta pidi i hopi bia pa nan haña derechonan di outor riba material ku nan a haña pa warda. Unabes nan tin esaki nan ta hasi negoshi kuné.

Aparentemente ta hopi lukrativo e negoshi ei. Studiante i otro studiosonan semper lo tin mester di e tipo di materialnan ei pa nan estudio, promoshon i pa dokumentá sierto ponensia. Bon plaka IB&G ta traha asina ei riba lomba di otro. Anto mas bunita ta ku despues ku nan haña e derechonan, e doño mes no tin nada mas di bisa riba su material. Ta nan ta disidí ken sí i ken nò. Nicky tin rason. Mi ta bai lubidá nan.

Loke sí ta bon pa trese dilanti ku FuHiKuBo nunca a kobra niun studiante pa yuda nan ku informashon pa proyektonan di skol. Nos meta no ta pa gana plaka, sino pa yuda.

Unda nos ke bai ku nos rikesanan?

Kada hende tin derecho riba propiedat ku ta di su mes. Sosiedat mester perkurá ku esaki ta ekstendé mas tantu posibel riba tur hende i ku propiedatnan manera tereno, kasnan i plaka no ta solamente den man di un òf algun persona òf entidad. Ademas e sosiedat hustu lo mester hasi tur esfuerso posibel pa propiedatnan te tal punto ta repartí mas igual posibel, ounke diferensha naturalmente ta inevitabel.

Sierto poseshon ta nesesarío pa yega na bo propio desarojo. Sin poseshon un hende no por funda un famia, e lo no tin plaka òf produkto/materialnan pa kambia p'asina atendé na su mes nesensidatnan vital.

Tin hende ku eksplisitamente ta renunsiá e derecho di tin poseshon i ta hasi e asina yamá "voto di pobresa". Nan dedikashon i trabou ta un sirbishi na Iglesia, na e konbento i dor di esei: Na Kristu. Ku esaki nan ta elegí pa muestra kiko finalmente

ta importante den bida: no pa atkirí tur sorto di rikesa i biennan, pero purba di atkirí un tesoro serka Dios. No ta tur hende lo por òf ke biba asina. Pero mei mei di un mundu manera esun di nos, kaminda rikesa hopi bia ta imponé poder i respèt, e religioonan ta duna un señal grandi i importante. Propiamente mirá lo tabata bon i bunita si kada kristian di su mes tin algu di e outosakrifisio aki.

Kristu Hesus ta hopi kla den Su papiá tokante di poseshon i rikesa. E ta siña nos ku poseshon no tin influensha riba nos salbashon i bienestar eterno i ku abundansha no t'un kondishon pa e felisidat berdadero. Un antologia kòrtiku for di Su frasenan ku ta papia pa mes: "No montoná rikesa riba mundu kaminda mòt i frus ta kome nan i ladron ta kibra drenta hòrta nan". (Mt.6,19) "I pakiko boso ta preokupá ku bishimentu? Paga tinu kon e flor nan di mondi ta krese..." (Mt, 6,28) "Wak e paranan den laria; nan no ta sembra ni kosechá, ni nan no ta warda nada den mangasina. Ta boso Tata den shelu ta duna nan di kome!" (Mt 6,26) Hesus a bisé: "Si bo ke ta perfekto, bai bende bo propiedatnan, duna pobernan e sèn i lo bo tin tesoro den shelu" (Mt.19,21). "Ta mas fásil pa un kamel pasa dor di wowo di un angua, ku pa un riku drenta reino di Dios". (Mt 19,24)

Tur esaki no ke bisa sin mas ku kada poseshon ta prohibí, ya ku pa medio di poseshon òf propiedat bo por hasi bon na otronan. Esun ku no tin nada, tampoko por duna òf parti. Den e sentido ei Mama Maria den su "Magnificat" ta papia tokante di hendenan riku ku ta sera nan mes den nan propio poseshon. Maria ta bisa: "El a duna esnan ku tin hamber kos bon na abundansha i a kore ku esnan riku, laga nan bai man bashí". (Lk 1,53)

Ku un hende tin poseshon ta bon, na midí ku esaki realmente ta yuda nos i otronan den nos mes desarojo i ta atendé na nos promé nesensidat, pues kaminda hendenan berdaderamente ta bira mihó di dje. Poseshon ta detestabel ora nos bira katibu di dje, ora ku e ta bira un meta riba su mes, ora nos ansiosamente ke monta mas i mas djis pa nos mes plaser, kaminda nos no ta bira mihó hende dor di esaki. E hende ku ta topa

Kristu den su próhimo, den e hende ku mester di yudansa i ku ta den nesensidat, por sinti su mes fortalese dor di e palabra di Kristu ku lo bisa: "Bini serka Mi, boso ku mi Tata a bendishoná: tuma poseshon di e reino ku ta prepará pa boso for di kuminsamentu di mundu. Pasobra Mi tabatin hamber i boso a duna Mi di kome, Mi tabatin set i boso a duna Mi di bebe. Mi tabata un strañero i boso a risibí Mi den boso kas. Mi tabata sunú

i boso a duna Mi paña pa bisti; Mi tabata malu i boso a kuida Mi. Mi tabata será i boso a bin bishitá Mi". (Mat.25,34-36)

Pues Hesus i Maria no ta bisa: poseshon ta bon òf malu. Importante ta nos akstitut kaminda ta trata di poseshon i e manera ku nos ta trata ku rikesa. Ultimadamente nos tur sa ku ta e legria ta grandi ora ku nos a duna algu di nos mes. I esaki ta enserá hopi mas plaser ku risibí algu.

E number "mágiko" 7

Ta eksistí henter un manto di misterio rondó di e number 7. Nan ta papia ku e ta un number mágiko, di superstishon i ta p'esei, yen di hopi forsa i poder. Den terminonan general e number shete tin raisnan profundo den e kultura universal. Aki nos ta haña un lista di algun di e aspektonan mas rekonesé ku ta relashoná ku e number:

"Asina shelu, tera i tur loke ta pertenesé na nan a keda kla. Di shete dia Dios tabata kla ku su trabou; e dia ei El a sosegá. Dios a bendishoná e di shete dia i a proklam'è un dia sagrado, pasobra riba e dia ei Dios a sosegá di tur e trabou di su kreashon.". Génesis 2, 1-3

-7 **Sakramentunan: Boutismo**, Konfirmashon, Eukaristia, Rekonsiliashon, Huntamentu di enfermonan, Orden Sagrado, Matrimonio.

-7 **donnan di Spiritu Santo**: Sabiduria, Inteligencia, Fortalesa, Siensia, Konseho, Piedat, Temor di Dios.

-7 **obranan di Misericordia Korporal**: Duna di kome na esun ku tin hamber, Duna de bebe na esun ku tin set, Duna alohamentu na esun den nesensidat, Bisti esun sin paña, Bishitá esnan enfermo, Ousiliá prezunan, Dera mortonan.

-7 **Obranan di Misericordia Spiritual**: Siña esun ku no sa, Duna bon konseho na esun ku mester di dje, Koregí esun ku ta robes, Pordoná ofensanan, Konsolá esun ku ta tristu, Sufri ku pasenshi e defektonan di otronan, Pidi Dios pa bibu i difuntonan.

-7 **Pikánan Mortal**: Orguyo, Avarisia, Rabia, Flohera, Pashon, Envidia, Goloseria.

-7 **Virtutnan Kapital**: Kastidat, Generosidat, Templanza, Diligencia, Pasenshi, Karidat, Humildat.

-7 **Prinsipionan Moral di Pitágoras**: Rektitud di propósitonan, Toleransia den opinion, Inteligencia pa diserní, Klemensia pa husga, Sinseridat den palabranan i aktonan, Simpatia, Ekilibrio.

-7 **Disiplinan di Antigwedat**: Lógika, Gramátika, Retórika, Aritmética, Músika, Geometria, Astronomia.

-7 **kolónan di Arko Íris**: Kòrá, Oraño, Gel, Bèrdè, Blou, Añil, Violeta.

-7 **dianan di siman**: Djadumingu, Djaluna, Djamars, Djarason, Djaweps, Djabièrnè, Djasabra.

-7 **Artenan**: Músika, Pintura, Eskultura, Arkitektura, Literatura, Dansa, Sinema.

-7 **Notanan Musical**: Do, Re, Mi, Fa, Sol, La, Si.

-7 **Enanonan di Blancanieves "Sneeuwitje"**: Sabí, Gruñón, Mocosu, Tímido, Felis, Dormilón, Mudito.

-7 **serunan di Roma**: Quirinal, Viminal, Esquilino, Caelius, Palatino, Aventino, Capitol.

-7 **maravianan di Antigwedat**: Piramide di Keops, Hardinnan ku ta kologá di Babilonia, Estatua di Zeus den Olimpia, Tèmpel di Artemisa, Mausoleo di Halicarnaso, Coloso di Rodas, Faro di Alejandría.

-7 **maravianan Medieval**: Stonehenge, Coliseo de Roma, Catacumbas di Kom i Shoqafa, Toren di Porcelana de Nanquim, Muraya chino, Toren di Pisa, Basílika di Santa Sofia.

-7 **maravianan di e Mundu Aktual**: Coliseo di Roma, Taj Mahal, Chichén Itzá, Machu Picchu, Kristu Redentor, Petra, Gran Muraya Chino.

-7 **sabionan di Gresia**: Quilón di Esparta, Bías di Priene, Cleóbulo di Lindos, Periandro di Corinto, Pítaco di Mitilene, Solón di Atenas i Tales di Mileto.

-7 **reinan di Roma**: reinan di Roma: Rómulo, Numa Pompilio, Tulio Hostilio, Anco Marcio, Tarquinio Prisco, Servio Tulio i Tarquinio e Soberbio (di 753 a. C. hasta 509 a. C.).

-7 **edatnan di hende (segun William Shakespeare)**: infansia, adolesensia, teenager, yònkuman, adulto, edat avansá i senilidad.

-7 **brasanan** di Menorah, kandelaber simbóliko di hudaismo.

-7 **kabesnan** di e legendario Hidra di Lerna.

-7 **lamannan di Planeta**: Laman Mediteráneo, Laman Adriático, Laman Negro, Laman Kòrá, Laman Arábigo, Laman Pérsiko, Laman Caspio.

-7 **frasenan di Hesus riba krus**:

"Tata pordoná nan pasobra nan no sa kiko nan ta hasi"
"Mi ta sigurá bo: Awe mes lo bo ta huntu ku Mi den paraiso"

"Señora ata bo yu hòmber, yu Ata bo mama"

"Mi Dios, mi Dios, pakiko Bo a bandoná mi?"

"Mi tin set"

"Ya tur kos ta kumpli"

"Tata, den Bo man mi ta entregá Mi spiritu"

Nos tur mester di otro

Fittipaldi Pietersz:

KRALENDIJK— Siman pasá mi a mira algu riba facebook i a hañ’é masha interesante. Mi a skirbi di e asunto aki kaba un tempu pasá. Mi a pidi maestra di skol Arlene Engelhart, esun ku a skirbi e kos i pone riba facebook pa us’é. Mi no ta kue nada riba facebook hasié notisia. Bòi i Papi sa di ami. Mi ta gusta kos di nos mes redakshon.

Esaki a hala mi atenshon hopi i kos interesante ta kos pa hasi uzo di dje.

Arelene ta skirbi: “E dòkter no por drecha su outo. E karpinté no por kushiná mas dushi ku e kòki. E abogado no por pega blòki pa traha su kas. Ora bo komprondé loke mi a skirbi, komo mama i tata, bo sa ku resultado di bo yu ta mes importante ku resultado di e otro famia.”

Esaki ta djis e komienso. Tur loke bo a kuminsá awe, sòru pa bo termin’é ku éksito.

Proud of you all!”

Ami ta bisa meskos. Master! Hopi bia e mucha ku bai LTS ta sinti bashí. No duda i kere den bo mes! Riba kada un di nos tin un mas sabí. Di un manera òf otro nos tur mester di otro. Ta Dios a krea mundu asina. Arlene a bis’é kaba.

Un bon ehèmpel ta mi amigu gezaghèber, bon studiá i ta sinta den un bunita edifisio grandi, huntu ku otronan, hasi trabou pa un mihó komunitat. Djis pensa si no tabatin e edifisio, e mester a sinta sea den un kas di palu òf esun batí ku lodo.

E spesialisista, pa e operá hende, mester di kuchú i otro hèrmènt spesial, sino e no por operá niun hende.

Importante ta pa nos tur bai skol i siña loke bo gusta hasi pa mayan bo hasié di kurashon. Nos tur mester di otro. Asina mundu ta funshoná i hende lo no por kambi’é.

VWO, PRO, HAVO, MAVO i VMBO, tur ta importante pa nos!

Studiantenan di FORSA a bishitá Parke Nashonal Washington



Tabata un dia bunita pa STINAPA den Parke Nashonal Washington-Slagbaai huntu ku studiantenan di FORSA Academy. E studiantenan a siña mas tokante kabritu i vegetashon, reglanan di parke i un tiki tokante kon Boneiru a keda formá. Pero mas importante sali i gosa di naturalesa. Promé e studiantenan a subi e seru mas haltu di Boneiru, Brandaris, despues lunch di despues relahá.

Pintamentu riba muraya di TELBO

KRALENDIJK—Djasabra 25 di yùni a tuma lugá pintamentu riba muraya di edifisio di TELBO

den Kaya Libertador Simon Bolivar. Diferente skol básiko a haña invitashon pa e muchanan

pinta riba sierto área di e murayanan di TELBO.

Den afan pa duna edifisio di TELBO un kara

nobo, TELBO a organisá un dia di pintamentu na e edifisio. No solamente e muchanan, sino maestranan di e skol tambe por a demostrá nan kreativitat pa medio di un pintura ku e tópiko “TELBO ta Di’Bo”.

E pintura mester tin elementonan karakterístiko di Boneiru, por ehèmpel flamingo, turtuga, serun di salu i mas. Hopi mucha a partisipá i den nan ansha pa pinta i keda kla ku loke nan a plania pa pinta, nan man tambe a risibí poko fèrf.

Na komienso di aña eskolar 2022-2023, TELBO ta eksponé e pinturanan pintá dia 25 di yùni 2022 online, di manera ku komunitat por skohe e pintura i skol ganador.

Skolnan ku a partisipá tabata Kristu Bon Wardadó, Aquamarin, Pelikaan, Kolegio San Bernardo, Kolegio San Luis Beltran i Skol Amplio Papa Cornes. Riba potretnan momentu ku e pintamentu riba muraya di TELBO a tuma lugá djasabra durante dia.



Tep di luna, yùni 2022




Verifikashon di dos paso



- Na momentu ku un ‘hacker’ hòrta bo informashon di ‘log in’, e verifikashon di dos paso ta pone ku nan no por ‘log in’ asina numa riba bo kuenta di “chat”, meil i medio sosial.

- Ku e verifikashon di dos paso banda dibo ‘log-in’ i kódigo tin mester di segundo stap pa drenta bo kuenta ‘online’, manera hinka un kódigo apart via un mensahe di SMS.



- Mayoria servisio di internèt Facebook, Whatsapp, Gmail ta ofresé verifikashon di dos paso. Chek bo otro kuantanan tambe i sigui e pasonan pa ehikutá e verifikashon.


Ben je slachtoffer geworden van cybercrime, neem dan contact op met de politie.



cybercrime@politiekpcn.com | www.politiecn.com | +599 715-8000

Tur loke ta payroll i HR den bo plant’i man!

www.payrollprohrm.com



GET IT ON Google Play

Download on the App Store



Payroll Pro

BròKèS 93.5 FM

Tono Positivo, Ritmo Dibertido

STUDIO Telefon & WhatsApp
+599 701 0935

Maneho General;
Djoni Leoneta +599 786 9091
Maneho administrativo;
Ethel Leoneta +599 796 9133
email: 93.5boneiru@gmail.com



Skuek'e



Radio BròKèS 93.5 Boneiru



Entrega di diploma instituto di enfermeria

KRALENDIJK — Djabièrnè 24 di yùni a tuma lugá entrega di diploma na Instituto di Enfermeria Fundashon Maridal. Daniella Drulard a kanta himno i despues a papia Giovanni Frans, kende ta hefe

di hunta di direktiva. “Pabien na boso tur. Boso por ta na promé dia di un hende su bida i na final di su bida. Boso logro ta boso esfuerso. Boso ta den un trabou ku ta drai 24/7. Ta importante pa kontinuá ku mas estudio. Pabien i nos ta masha orguyoso di boso”, Frans a bias. Dosente Shirley Ji-

bodh a ekspresá: ““Di boso ta ferwagt responsabilidat serio. Mantené seriedat ku bon palabrashon den e trabou ku boso ta bai ehersé awor. Pabien pa kada un di boso. Éksito pa futuro.”

E graduadonan den Ziekenverzorgende ta Careina Keller. Milanly Ozoria, Raimeline Pop.

Velery Reina, Juliana Saa Obregon i Elijah Piar.

Den Verpleegkundige: Janique Manuel, Erica Simmons. Maybeline Sint Jago, Nefthely Soliana, Jholainy Tavarez,

Gloria Thomas-Wanga, Maritsela Winklaar i Mariëlle-Wout.

Big verpleefkundigen: Chozan, Marchena, Audri Statie-Torres Santana i Merychen Trinidad-Dijkhoff.



LOKE TABATA NOTISIA

Bonaire pronto lo ta miembro di RADO

KRALENDIJK.-- Wikènt último un delegashon di Boneiru a biaha pa Kòrsou pa partisipá na un workshop internashonal di RADO. RADO ta para pa Caribbean Regional Anti-Doping Organization, kual ta kai bou di WADA, World Anti Doping Agency.

Personanan ku a partisipá na e workshop aki ta Emelie Scoop-Martijn, boneriano ku ta supervisá BonLab i ta di profeshon biokímiko, Rutsel Sint jago i Elvio Cecilia di e tètst-tim ku ta tètst futbolistanan pa Federashon di Futbòl boneriano.

RADO ta e organisashon

ku ta tètst deportistanan ku ta partisipá na kompetensianan internashonal i lokal si nan ta prospekto pa bira profeshonal i tambe duna informashon na deportistanan ku ta bai partisipá na kompetensia internashonal. E workshop aki tabata organisá pa FDOK, Federashon Deporte Olímpiko Kòrsou, ku tin Rignaál Jean Francisca komo presidente.

Aktualmente Boneiru no ta afiliá na RADO i hopi bes ora deportistanan bai kompetí den eksterior nan no sa kiko ta warda nan den e asuntu di doping i kua medisina nan no

por a usa i kua medisina ta prohibí. Ta e intenshon pa Boneiru tambe bira miembro di RADO meskos ku Aruba, ku ta miembro kaba. Kòrsou i Boneiru tambe ke bira miembro i tin e posibilidat pa den luna di òktober pa partisipá den reunion di RADO komo prospekto miembro pa despues bira miembro. Pa bira miembro ta un kestion di gobièrnu di Boneiru i e federashon bou kua tur organisashon di deporte ta kai.

Den e luna nan ku ta bini lo bai tin vários kombersashon ku tantu gobièrnu i e federashon pa yega na un akuerdo

i pa luna di òktober Boneiru tambe por bira miembro i haña dos persona ku ta bira

DCO, district coordinator Organization.

Komentario:

No por saka mondi for di buriku

KRALENDIJK -- Sa tin hende ta yama nos kolaboradornan pa bin saka portrèt di nan kòntainer di shushi ku ta plamá. Ta sali artíkulo tokante ku buriku a plama kòntainer di shushi. Ku habitante ta rabiá ku buriku a plama nan kòntainer di shushi, anto nan tin ku bai nan trabou i nan mester para piki shushi.

Djaluna último ei mes un artíkulo a sali i por mira klaramente ku e kòntainernan ta pafó di e kurá di kas i esaki no ta e regla ku Selibon a stipulá. A bira tempu pa tur e personanan ku ke pa skirbi tokante kòntainer di shushi kuminsá na siña i mantené nan mes na disiplina i regla.

E burikunan no tin nada di aber ku bo mester bai trabou òf no ta deber di tur hende ku tin e kòntainer di shushi pa tene esakinan den nan kurá i mainta ora e trùk di shushi ta pasa nan pone esaki pafó.

No por saka mondi for di den kabes di e buriku, pero por eduká e hendenan sí ku nan kòntainer mester ta den nan kurá pa evitá esaki.

Tin hende pa flohera no ta pone nan kòntainer den nan kurá i ta laga esaki pará riba tereno públiko i ta ferwagt ku buriku i otro animal no ta bòltu nan. Regla ta ku e kòntainernan mester ta den kurá i no riba kaminda públiko òf pafó di kurá di hende. E kòntainer ta pertenesé na e number di kas i e mester ta den e kurá di e kas ei. No riba kaminda públiko.

Ta di spera ku tur e hendenan ku tin opheshon i opseshon kontra e burikunan aki pa kambia di mentalidat i pone nan kòntainer den nan kurá di kas i dia ku e trùk di Selibon ta pasa nan saka esaki i pon'é pa e trùk haña esaki.

No otro manera.


Donashon pa alfabetisashon na FORMA

KRALENDIJK -- Siman pasá Rotary Club Bonaire a sorprendé Fundashon FORMA ku un chèk na balor di 6800 dòler komo muestra di apresio i sosten pa e trabounan ku FORMA ta hasi riba tereno di Alfabetisashon na Boneiru. E aña akí Rotary Club Bonaire a kuminsá ku un proyekto den kua nan ta sostené tur sorto di trabounan riba tereno di Alfabetisashon di adulto i hubentut riba nos isla. Nan kier duna nan aporte pa inisiativanan lokal riba e

tereno aki. Ku e intenshon akí nan a hasi e bunita gesto di entregá un chèk na balor di 6800 dòler pa ku e meta akí.

Den añanan anterior tambe Rotary a sostené e departamento di Alfabetisashon di FORMA. E aña akí Rotary kier a duna un empuhe èkstra pa e trabounan ya hasí. Rotary a yega na e desishon aki despues di un presentashon di FORMA, den kual nan a pidi koperashon di Rotary pa ku diferente proyekto interesante.

Rotary Club Bonaire ta konvensí ku e programa di alfabetisashon tin un benefisio grandi pa e sektor laboral na Boneiru. Esaki dor ku personanan ku anteriormente no por a ehersé nan trabou debí na limitashon den nan edukashon, awor por realisá muchu mas despues di partisipá na un kurso di Alfabetisashon. E personanan aki ta haña mas konfiansa propio i por hasi nan labor mas independiente.



KOLOFÓN
 Editor Bonaire
 Communication
 Services N.V.
 Kaya Irlanda 12,
 Tel. 717-8482
 E-mail:
 extrabon@gmail.com
 Wèpsait:
 www.extraboneiru.com

Direktor
 Shirley Martis
 785-3824
 796-3824
Hefe di redakshon
 Bòi Antoin
 786-6818
Redakshon
 Armand 'Papi' Antoin
 Davienuska Janga
 Velli Gijsbertha
 Nathaly Evertsz

Edson Pietersz
 Ibi Piar (deporte)
Partner na Aruba
 Awe Mainta
Partner na Kòrsou
Extra
Layout
 Davienuska Janga
 Gairo Frans

Aviso
 avisobon@gmail.com

Segun prof. Raymond Gradus, aunke den forma kuidadoso

Cft ta kere ku lo por kubri “vakantiegeld”!!

WILLEMSTAD.- Prof. Dr. Raymond Gradus den su kalidat di presidente di e Kolegio pa supervishon Finansiero (Cft) ta kere ku lo por tin fondonan pa kubri pago di e 3% di ‘vakantiegeld’ ku gobièrnu di Kòrsou ke duna. Pero el a denominá e pago aki a base di un kobertura ‘kuidadoso’ (voorzichtig). Asina el a duna di konosé durante un enkuentro ku prensa. Manera ta konosí, kobertu-

ra di e 3% aki ta dependé di kondishonnan ku gobièrnu tin di kumpli kuné i tambe di un posibel enkargo duná dor di Sekretario di Estado. T’asina ku Minister di Finansa di Kòrsou drs. Javier Sylvania a pidi Cft pa duna un konseho riba e 3% promé ku dia 20 di yùni, pero Cft a lag’é komprondé ku e lo no por duna konseho sin mas sino ku e lo tin di haña e enkargo ei di Sekretario di Estado sra. Alexandra

van Huffelen. Sr. Gradus a splika ku Cft no tin ningun ròl den e diskushonnan pa loke ta e kondishonnan entre pais Kòrsou i Hulanda. Tin un proposishon di parti di Kòrsou pa loke ta kobertura pa por baha e rekorte di 12.5% for di salario di ámtenarnan. El a referí na e proposishon di Minister Sylvania pa loke ta e 3% di plaka di fakansi i 6% di umento di supsidio pa fundashonnan etc. Pa loke ta e

3% dje kompensashon general ku lo bai kosta gobièrnu un 10.6 mion florin i e 6% di supsidio ku lo kosta 9.6 mion lo por hasi un kalkulashon. Si wak loke tin i loke ta bai tin na èkstra entrada, konsiderando e presupuesto, e deskuento riba preis di kombustibel i algun otro riesgo ku tin, e lo por bisa ku tin un kobertura ‘kuidadoso’ pa e proposishon ei. Den e mesun rosea e presidente a bisa si ku, du-

rante e dianan di bishita aki el a pidi mas informashon riba otro proposishonnan ku a lansá, manera e gratifikashon di fl. 1.750.- pa tur ámtenar. Pero e tin su interrogante si esaki lo no bai kosta mas ku e 10.6 mion di “vakantiegeld”. Pero e ta keda en espera di e informashon eksakto di parti di Kòrsou. Pero naturalmente Cft lo keda fuera di e diskushonnan pa loke ta kon- tenido dje proposishonnan.

Karta di abitantenan di Rif a bai pa Tweede Kamer i van Huffelen

WILLEMSTAD.- Abitantenan di Rif a marcha for di Brionplein bai Fòrti i despues parlamento pa entrega karta di preokupashon pa ku benta di kas di Fundashon Kas Popular den e área. Esaki a sosode siman pasá. Den e karta Fundashon Rif ku ta sali na defensa dje abitantenan, a pidi gobièrnu pa protekshon di derechi di e abitantenan di Rif na Otrobanda.

Loke a hala atenshon ta ku e karta aki aparte di a bai

pa gobièrnu, parlamento, a bai pa gobernadó, Fundashon Kas Popular mes, minister plenipotensiaro, Tweede Kamer, Sekretario di Estado i “Recht op Stad (Nederland)”.

Estando dilanti di Fòrti minister di enseñansa sr. Sithree van Heydoorn a sali pa tuma e karta serka abitantenan.

E abitantenan a marcha bai ku bòrchinan i lemanan di no ta sali for di nan kas. Tambe nan tabatin bòrchi

ku ariba foto kaminda e direktor di FKP sr. Con, sr. Rutsel Martha i doño dje kompania ku ke kumpra edifisionan den Rif esta sr. Garmers, sr. Gerrit Schotte i trahadó di FKP kanando den bario di Otrobanda.

Tambe e fundashon a muestra un lista di 60 kas ku FKP a kuminsá ta inventarisá. Si no tabatin niun intenshon, dikon FKP lo a kana puntra tokante repartishon di e kasnan ku tin hende ta biba den. Nan ke



pretu riba blanku di parti gobièrnu ku no ta bai bende kasnan, ta loke e presidente di e fundashon sra. Marusca Manuel a trese dilanti. Minister van Heydoorn a indiká ku promé minister a pidié pa tuma e karta. Tambe komo gobièrnu lo bai evaluá e karta. E minister a bisa ku no ta minister Cooper ta importante, pero ta gobièrnu.

Na mes momentu representante di doñonan di kas di pueblo na Barber tambe tabatin keho, pasobra nan a kere ku FKP lo a bende e kasnan. Nan ke pa porfin gobièrnu bende nan e kas

no ku indeksashon, pero ku e “restwaarde”.

Representante di Seri Papaya tambe a entregá karta pa benta di e kasnan. Mesun situashon un representante di Brievengat tambe a entrega karta pa nan kas keda bende. Nan ke e kondishonnan di kompra di e kasnan. Despues di Fòrti, e abitantenan a marcha bai parlamento i aki tambe a entregá presidente di parlamento sra. Charretti America-Francisca un karta. E presidente a indiká ku ta pendiente pa sigui ku tratamentu di e reunion riba FKP.

STATIA/SABA/ST. MAARTEN

Investigashon di poblashon di kanser na boka di matris ta kuminsá na Sint Eustatius

STATIA -- Hende muhé den edat di 50 pa 60 aña na Sint Eustatius por partisipá den e skrinen na boka di matris entrante djaluna 27 di yüni 2022. E skrinen ta e promé di tres programa di skrinen ku ta ehekutá na Sint Eustatius i “Public Health Prevention Clinic” ta kondusí esaki den kolaborashon ku “Sint Eustatius Health Care Foundation”.

un etapa mas prematuro, hasiendo e malesa asina ki mas tratabel.

Danki na bon kooperashon entre RIVM, Public Health Prevention Clinic i Sint Eustatius Health Care Foundation, awor ta ehekutá e skrinen pa kanser na boka di matris strukturalmente. Esaki ta kontribuí na benefisio di salú pa e abitantenan di Sint Eustatius.

tashon ainda pero ta forma parti di e grupo ku por partisipá tambe por yama

“Public Health Prevention Clinic” na +5993182891 òf Shanna Mercera-Gibbs

na +5993185147. E promé rònt di skrinen ta kuminsá dia 27 di yüni 2022.

Benefisio pa hende muhé

Kanser na boka di matris ta e di kuater kanser mas komun bou di hende muher mundialmente. Danki na e programa di skrinen pa detektá e vírus di papiloma humano HPV, por detektá fase prekanseroso den

Partisipashon i inisio riba 27 di yüni 2022

E meta ta pa skrin hende muhé den kategoria di edat di entre 30 pa 60 aña dentro di tres aña. E aña aki ta invitá hende muhé den edat di entre 50 pa 60 pa partisipá i traha su sita. Es ku no a risibí un invi-

Saba ta atendé ku tèrmentu di mucha

SABA – Departamentu di Desaroyo di Komunitat di Saba ta atendiendo ku tèrmentu di mucha. E problema ei ta hopi notabel riba e isla. Luna pasá tabatin un siman anti-tenta-

mentu, durante kua e eduká e muchanan di e isla riba e efektonan di tentamentu. Esaki a sosodé atraves di vários aktividat.

E luna aki di yüni e departamentu en kestion a

tuma e siguiente paso ku un trainer for di Aruba, kende a proveé e informashon nesenario, hèrmènt, tèknika i teps pa atendé i redusí komportashon di tentamentu.



Teambuilding na Saba



Gobièrnu di Saba ta dediká hopi atenshon na su empleadonan. Siman pasá tabatin un aktividat di ‘teambuilding’ pa un grupo di su empleadonan, dirigí pa e empresa FIT With Lee.

ARUBA

Studiantenan Scol di Musica Rufo Wever cu un bunita presentacion

ORANJESTAD -- Di asabra cu a pasa, minister Xiomara Maduro di Cultura, a asisti na un bunita presentacion di e alumnonan di Scol di Musica Rufo Wever na Cas di Cultura. E alumnonan a presenta un variacion amplio di musica clasico y moderno cu nan a siña durante nan lesnan di musica. Minister di Cultura ta gradici Scol di Musica Rufo Wever pa e invitacion y ta desea e alumnonan y maestronan tur clase di exito y cu nan por sigui engrandece arte aki na Aruba a traves di nan musica.



Den cuadro di siguridad y prevencion di crimen

Aliansa entre sector publico y privá

ORANJESTAD - Recentemente, Minister di Husticia y Asuntonan Social Sr. Rocco Tjon a atende e prome "ASIS Dutch Caribbean Conference on Resilience, Cyber and Security". ASIS ta e "American Society for Industrial Security", esaki ta un comunidad global di profesionalnan den e tereno di siguridad, cu e tarea di protehe bienes manera e ser humano, propiedadnan, y informacion entre otro. Aliansanan di e tayer aki ta beneficioso y tin su riesgonan, mirando cu cuerpo policial y organisacionnan di siguridad priva ta traha separa y cu diferente metanan, sin embargo, segun estudionan haci, e beneficianan di un

alianza ta mucho mas grandi compara cu e riesgonan, pues por conclui cu siguridad por wordo mehora a traves di e aliansanan aki.

Ora ta papia di crimen cibernetico, ta papia di un di e tipo di crimennan mas diverso cu tin ora ta trata crimen transnacional, e ta uno hopi compleho y ta trece retonan pa e aparato hudicial. Mirando e trayecto di evolucion di crimen cibernetico, aparatonan hudicial ta comparti informacion y conocimiento cu nan contrapartida rond mundo pa asina por desaroya un plan van aanpak na tempo, basa riba inteligencia. Algun tempo atras, e mandatario a reuni cu e bestuur di "ASIS Dutch Caribbean Chapter

304" caminda a intercambia ideanan pa crea miho aliansanan, pa asina aumenta siguridad y proteccion pero tambe pa preveni crimen cibernetico. Hopi biaha, e experticio di combati crimennan cibernetico ta bin di otro sectornan, pues cuerpo policial no tur ora tin e experticio of solucion pa por combati'e nan so. Pa e motibo aki, aliansanan cu otro organisacionnan ta brinda un oportunidad pa asina un INTERPOL, por ehempel, por beneficia di e experticionan cibernetico y tecnologico cu tin den e sectornan publico, priva y academico.

Manera ya a indica, segun estudionan haci, aliansanan exitoso ta basa

riba lidernan y facilitadonan fuerte y activo, como tambe comunicacion continuo, reunionnan structural y training. Na mes momento, e bareranan principal pa un colaboracion eficiente ta e falta di intercambio di informacion, desconfiansa y mal informacion. Pa por elimina algun di e bareranan aki, e ta importante pa e aparato hudicial como tambe organisacionnan di siguridad priva, traha mas di serca cu otro y educa otro riba nan capacidatnan profesional y duna trainingnan, pa asina identifica ken ta miho posiciona pa atende cu cierto situacionnan y asina desaroya un miho inventario di abilidadnan.

Por ultimo, Minister

Tjon a expresa cu como Minister di Husticia y Asuntonan Social, e ta kere hopi den aliansanan y ta promove e aliansa entre Cuerpo Policial y organisacionnan di siguridad priva, pa motibo cu tin otro retonan tambe den e aparato hudicial, manera financiamiento y personal, cual tambe por wordo mehora a traves di e aliansa aki. "Crea y mantene comunidadnan mas sigur, no ta solamente e responsabilidad di Cuerpo Policial, e ta rekeri aliansanan amplio cu e comunidad, sector priva y otro aparatonan gubernamental pa asina por produci leyman y practicanan eficiente y efectivo basa riba evidencia.

ARUBA

Dera Gay 2022 na Cas di Cultura

ORANJESTAD -- -Diranzon mainta Minister di Cultura a asisti na Cas di Cultura pa e presentacion escolar prepara pa Departamento di Cultura pa nos muchanan di scolnan preparatorio y scolnan basico klas 1 te cu 3. E presentacion tabata uno informativo y educativo di e fiesta di Dia di San Juan – Dera Gay. E mainta a inicia cu palabra di bon bini na Minister di Cultura Xiomara Maduro, muchanan di scol y docentenan. E prome presentacion tabata di Grupo Cakiña, forma pa musiconan di Departamento di Cultura y amigonan musico kendenan a presenta

algun pieza tipico y a sigui acompaña e diferente presentacionnan. Minister di Cultura a wordo invita pa baila un wals. A sigui cu presentacion di Cuerpo di Bombero, Sr. Francis Tousseint kende a splica local mester tene na cuenta ora cu ta sende candela. A duna algun tips, mirando cu riba Dia di San Juan, e cuerpo ta man yen di trabao. Aunke mester bisa si cu aña pasa e cantidad di candela a bira menos y nan ta spera cu e aña aki e por keda bira menos. E presentacion a sigui caminda a invita dos docente riba escenario y a dunanan un splicacion di e baile di Dia di San Juan

y despues e docentenan a presenta loke nan a siña na esnan presente. A invita un par di mucha pa nan tambe por presenta e baile di Dia di San Juan. A sigui cu e wega di baile di rancaamento di bandera y e grito di galiña y di gay cual e muchanan tambe a participa y esnan cu a gana a ricibi un certificado. E presencia di gay Chogogo a trece un extra ambiente den Cas di Cultura. Minister Xiomara Maduro a keda masha contento y a goza di e presentacion hunto cu e muchanan di scol y docentenan. E mandatario a gradici e scolnan pa ta presente y particularmente Departamento

di Cultura pa prepara y presenta e bunita mainta informativo, educativo y yen di ambiente di e fiesta di cosecha Dia di San Juan cu ta wordo celebra dia 24 di juni proximo. Minister Xiomara Maduro cu cooperacion di Departamento di Cultura a entrega e scolnan “E caha sabi” cual ta contene diferente folder cu ta splica e origen con pa celebra e fiesta di Dia di San Juan, e buki di Wantomba y e fiesta di Dia di San Juan, un USB cu musicanan di Dia di San Juan. Pa e scol por celebra e Fiesta di Cosecha, Dia di San Juan – Dera Gay, tambe e scolnan a ricibi pa e baile un bandana preto pa mara

e wowo, e palo pa mata e gay y un calbas. E presentacion escolar a wordo haci pa un cantidad di scol caminda mas di 5 mil mucha a participa y wordo educa riba nos fiesta tradicional di cosecha Dia di San Juan, Dera Gay.



Real Rincon a gana ATC 1-0 den tremendo partido

KRALENDIJK--E kampionnan di SV Real Rincon, djabièrnè último den kontinuashon di kampionato 2022 di futbòl di nos isla den oranan di anochi na Stadion Antonio Trenidad na Rincon, a gana di SV ATC di Tera Kòrá ku skor minimo di 1-0 i bai ku e 3 puntonan di e partido.

Tabata den tempu èkstra di prolongashon ku a logra hinka e úniko gol di e partido.

Tabata un tremendo partido ku dos ekipo buskando e viktoría, un partido ku a finalisá den viktoría di 1-0

pa e kampionnan di SV Real Rincon.

E partido aki a konosé solamente 1 gol ku a resultá suficiente tambe pa e kampionnan di SV Real Rincon bai ku e viktoría.

Tabata den e parti final di e partido, ku riba un pase di Ayrton Cicilia, ku Michel a hinka e úniko gol di e partido, loke a resultá suficiente pa bai ku e viktoría.

Ku esaki SV Real Rincon a bai ku e viktoría i 3 puntonan foi dje partdo.

SV Real Rincon ku e viktoría aki ta bai 15 punto na di 2 lugá den e kampionato.

SV ATC ku e derota ta keda di 4 lugá den e kampionato ku 11 punto.

Tabata sigur un tremendo partido ku e dos ekiponan demostrando bon nivel di futbòl te na final di e partido, ku un SV ATC ku tabata den desbentaha debí ku e ekipo aki a pèrdè un hungadó, pero apesar di esaki, a keda hunga bala demostrando tremendo futbòl.

Un bon partido por sierto di parti e ekiponan aki, un SV ATC ku un hòmber menos riba tereno, a sigui hunga bala demostrando tremendo futbòl.

SV Vitesse ta sigui na kabes di kampionato

KRALENDIJK--E ekipo di futbòl di SV Vitesse di Antriòl Pabou ta sigui na kabes di kampionato 2022 di futbòl di nos isla ku 18 punto.

E ekipo aki ta sólido na promé lugá di e kampionato.

Posishon ekiponan.

1. SV Vitesse ta na kabes di e kampionato ku 18 punto.

2. SV Real Rincon ku 15 punto.

3. SV Alético Flamingo tambe ta ku 15 punto.

4. SV ATC ku 11 punto.

5. SV Uruguay tambe ta ku 11 punto.

6. SV Estrellas ku 10 punto.

7. Young Boys tambe ta ku 10 punto.

8. SV Vespo ku 5 punto.

9. SV Juventus ku 3 punto.

10. SV Arriba Perú sin punto ainda den e kampionato.

Esaki e posishon di ekiponan te ku djabièrnè último 24 yüni 2022.

Èksito na e ekiponan den e kampionato.

A agredí rèfri i kousa destrukshon

Fin di siman pasá tabata un página skur pa futbòl

KRALENDIJK--Fin di siman pasá tabata un fin di siman di página skur pa nos deporte rei futbòl ku a sali foi man, despues ku kosnan tabata kana masha masha bon ku kampionato 2022 di futbòl, pero fin di siman pasá kosnan a sali fo'i man atrobe pa di dos bia sigui, unda ku a agredí rèfri i kousa destrukshon den Stadion Antonio Trenidad.

Ta pa dos bia sigui ku ta agredí rèfri den tempu kòrtiku.

Djabièrnè tabatin dos problema ku rèfri.

E promé tabata ku un wega hubenil ku a krea un problema inesesariamente i ku a kaba den agreshon di rèfri, unda ku a dal rèfri i asta bula dròpkek riba e rèfri ku a keda ku doló di kabes te ku su manisé momentu ku nos a papia kuné.

Parse ku e rèfri aki a

duna keho i tambe a bisa ku e ta bai retirá i no tin nada mas di aber ku asunto di rèfri di futbòl.

Esaki tabata e wega hubenil.

Mesun anochi ku e wega senior tambe entre Real Rincon i ATC, wega ku Real Rincon a gana 1-0, e partido aki tambe na final a kaba na problema basta serio unda ku a kousa destrukshon na e porta di kamerin di rèfrinan.

Tambe a skòp porta di hèki di tereno di wega, di kua esaki a bai dal den man di e persona enkargá ku kordinashon i ku skema i ta atendé ku kampionato.

E persona aki a haña un sla formal na su man ku asta mester a bai poli e anochi aki i tambe su manisé a keda pa bolbe bai poli pa mira si e brasa no a kibra.

Nos no a tende mas kon

a para ku esaki.

Un dama tambe di FFB ku tabata den serkania di e persona aki miembro di FFB, tambe a haña sla na lomba i te ku djasabra mainta ainda e tabata sinti doló na su lomba.

Por a komprondé ku pa e wega aki tambe a agredí rèfri na final di wega.

Tur e problema ku e wega aki ta debí ku segun e hungadónan di e tim ku a pèrdè, ku rèfri pa loke ta èkstra tempu pa finalisá e wega, a keda wanta e wega te na momentu ku Real Rincon a hinka gol pa finalisá e wega.

Esaki tabata tur e problema ku a bira unu basta serio ku agreshon, skòpmentu di porta ku a dal e persona enkargá ku kordinashon di kampionato pa FFB i leshoná su brasa i tambe un dama di FFB a haña sla na



su lomba.

E situashon ta serio i segun nos informashonnan, keho a keda duná tambe di esakinan.

Tambe a kousa destrukshon na porta di un di e kamerinnan.

Riba potrèt bab un di e portanan di un di e kamerinnan unda a kousa destrukshon, tambe e persona ku ta atendé ku kampionato asunto skema ku esinan a keda ku su man leshoná.

DEPORTE

Eksitoso torneo futbòl Kopa Lito 2022

KRALENDIJK--Djasabra último tabatin e finalnan i klousura di e weganan di futbòl bálido pa e torneo futbòl Kopa Lito 2022.

E weganan djasabra último a kuminsá den oranan di mainta, pa ta mas eksakto 08:15 ku e kategorianan di nos futuronan mas chikitu den e e torneo aki.

Tabatin e diferente weganan e mainta aki.

E weganan a finalisá mas den oranan tempran di anochi ku e kategorianan mas

grandi hubenil pa despues sigui tambe e parti di premiashon di esakinan.

Nos no a logra haña e resultadonan den e diferente kategorianan i tampoko e kampionnan i supkampionnan den e diferente kategorianan promé ku nos a sera e redakshon aki.

Realidat ta ku tur e muchanan den e torneo a bai kas ku premio, ningun di nos futuronan no a bai kas ku man bashí.

Kopa Lito (MCB) huntu

ku FFB un bia mas a organisá tremendo i eksitoso torneo futbòl pa nos muchanan. Hopi trabou pero tremendo trabou.

Pabien un biaha mas pa organisá otro edishon di tremendo Torneo Kopa Lito ku nos lo bini ku e resultadonan despues.

Riba potrètnan algun di e ekiponan ku a hunga e promé partidonan di e torneo djasabra mainta, tambe algun di e muchanan ku nan premionan.



Ayera Boneiru a hunga promé partidonan na Puerto Rico

KRALENDIJK--Ayera Boneiru a hunga su promé partidonan di e seri di Karibe di beisbòl U14 di Pony League aya na Puerto Rico. Ayera o sea djadumingu último den e promé partido 12or di mèrdia, Boneiru a topa ku e ekipo di Mets.

E promé partido segun skema esaki lo mester a tuma lugá 10or mainta, pero debí na fuerte yobida e promé partido a skuif pa 12or mèrdia pa duna tempu

pae fèlt seka..

E di dos partido lo mester a tuma lugá 4or atardi nos selekshon a topa ku otro ekipo di Puerto Rico.

Tur dos e ekiponan aki ta di Puerto Rico di akuerdo ku e informashonnan ku nos a risibí. Asina ku nos logra haña e resultadonan nos lo amplia riba esakinan.

Éksito na nos selekshon U14 di beisbòl Pony League den e Seri di Karibe 2022.

Bunitesa di flor di yatu



Un bunita flor di yatu. E bunita bistanan aki bo ta haña anochi. Yatu i kashu ta saka nan flornan anochi i ratonnan djanochi ta alimentá nan mes i alabes sòru pa nos yatunan sigui eksistí.

City Shop N.V.

ta buska

karpinté / meubelmonteur

Interesadonan por manda nan CV na
HR@cityshopbonaire.com

Pa mas inf. por yama **717-3666**

JAD'S Motors B.V.

ta buska

un (1) mekániko

Interesadonan por manda nan CV na
avisbonaire03@jadsmotorsbv.com

Pa mas inf. por yama **717-1111**



27 di Yùni 2022

"Sigui Mi"
(cf Mateo 8:22)

Hesus ta ripití su yamada di ayera; "Sigui Mi!"
Un siguimentu ku ta rekerí un distansiamentu personal, ku tradishon por impedí, pa por siguiÉ di hinter nos kurason i nos mente.
Na un otro okashon Hesus a bisa: "Esun ku bini serka Mi, mester distansiá su mes di su mama i tata, su kasá i su yunan, su ruman hòmer i ruman muhé, asta di su mes bida ..., sino e no por ta mi disipel."
(cf Lukas 14,26)

Pero Señor su generosidat ta surpasá kualkier sakrifisio ku hende por hasi. "Mi ta sigurá boso: niun hende ku bandoná su kas, su ruman hòmer i su ruman muhé, su mama, su tata, su yu òf su tereno pa mi motibu i pa motibu di e Bon Notisia no ta keda sin haña den e tempu aki shen be mas tantu ..."
(cf Marko 10,29-30)

Señor, umentá mi fe i duna mi kurashi pa sigui Bo i sirbi Bo.

1L Amos 2,6-10.13-16; Salmo 50,16-23; Ev. Mateo 8,18-22

005999-522-4056 Un Snehil Pan unsnehilpan



CORDLESS
DRILL

\$79



INGCO

BONAIRE



3.0 KVA GASOLINE
GENERATOR

\$509



GASOLINE
GRASS TRIMMER
& BUSH CUTTER

\$219

18" GASOLINE CHAINSAW

\$185



City Shop

Smart shopping ▶ Better living

Kaya International #36

www.cityshopbonaire.com

City Shop Bonaire

+599 717.36.66

info@cityshopbonaire.com

+599 700.64.42